

PROTOKOL

sa sastanka Mješovite komisije Češke Republike i Bosne i Hercegovine za međunarodni cestovni prijevoz, koji se održao u Pragu, 3. – 4. 10. 2018. godine

Dana 3. – 4. 10. 2018. godine u Pragu se održao sastanak Mješovite komisije Češke Republike i Bosne i Hercegovine za međunarodni cestovni prijevoz. Spisak predstavnika obje strane je naveden u prilogu.

Program ovog sastanka je bio sljedeći:

1. Razmjena i analiza statističkih podataka koji se odnose na međunarodnu trgovinu i cestovni prijevoz
2. Međunarodni cestovni putnički prijevoz
3. Međunarodni cestovni teretni prijevoz
4. Razno

Ad 1.:

Delegacije su razmjenile mišljenja i statističke informacije koje se odnose na trgovinu i sadašnje stanje cestovnog prijevoza koji se odvija između dvije zemlje. Obje strane su navele da je posljednjih godina evidentiran rast obima uzajamne trgovine.

Ad 2.:

Delegacije su razmjenile informacije u oblasti putničkog prijevoza između obje zemlje. Obje delegacije su navele da im nisu poznati nikakvi ozbiljni problemi u oblasti putničkog prijevoza, kako u redovnom linijskom tako i u vanlinijskom prijevozu.

Delegacije su se dogovorile na razmjeni uzajamnog postojećeg kontingenta 100 pojedinačnih dozvola za naizmjeničan prijevoz (svaka dozvola vrijedi za 20 vožnji) za 2019. godinu.

Ad 3.:

Delegacije su razmjenile informacije o korištenju dozvola od strane bosanskohercegovačkih i čeških prijevoznika u 2017. godini i za prva 3 mjeseca u 2018. godini.

Češka strana je konstatovala, da je postojeći broj dozvola za češke prijevoznike dovoljan.

Bosanskohercegovačka strana je predložila mogućnost liberalizacije bilateralnog/tranzitnog prijevoza ili barem liberalizaciju za određene vrste vozila (na primjer EURO 5, EURO 6).

Češka strana je konstatovala da u sadašnjoj situaciji ne postoji mogućnost za bilo kakvu liberalizaciju, što ne znači da Češka Republika nije spremna razmotriti broj razmjenjenih dozvola u zavisnosti od rastuće uzajamne trgovine u cestovnom prijevozu između Češke Republike i Bosne i Hercegovine.

Bosanskohercegovačka strana je zahtjevala povećanje postojećeg kontigenta bilateralnih/tranzitnih dozvola sa 5 000 na 7 000 dozvola, što je obrazložila poboljšanim voznim parkom bosanskohercegovačkih prijevoznika, povećanjem obima prijevoza robe, a takođe i time što se posljednja Mješovita komisija održala 2015. godine, a od tog perioda je ostao nepromjenjen kontigent dozvola i pored povećanog obima prijevoza robe.

Uz ovaj zahtjev češka strana je saopštila da ukoliko je ova potreba bosanskohercegovačke strane urgentna, s obzirom na dugu proceduru štampanja dozvola, predlaže da će 1 000 dozvola dostavljenih bosanskohercegovačkoj strani za 2019. godinu biti moguće upotrebiti već od dana 1. 11. 2018. godine i ove dozvole će važiti do 31. 1. 2020. godine. Radi se o serijskim brojevima bilateralno/tranzitnih dozvola: od A517791 do A518790.

Češka strana će o ovom informisati svoje kontrolne organe i dostaviće im spisak gore navedenih serijskih brojeva dozvola.

Češka strana je predložila povećanje kontigenta za 2019. godinu za 1 000 dozvola u odnosu na sadašnje stanje, odnosno na 6 000 dozvola uz mogućnost dodatnog odobrenja dodatnih dozvola na zahtjev bosanskohercegovačke strane.

Češka strana se obavezala da će u augustu 2019. godine dostaviti bosanskohercegovačkoj strani bilateralno/tranzitne dozvole za broj već u 2018. godini izdatih dozvola, odnosno za 2 000 dozvola, tako da krajnji broj dozvola odgovara dogovorenom kontigentu dozvola za 2019. godina, od 6 000 bilateralno/tranzitnih dozvola.

Bosanskohercegovačka delegacija je saglasna sa ovakvim rješenjem.

U 2018. godini strane su razmjenile dozvole u sljedećem iznosu:

za bosanskohercegovačku stranu:

- 6 000 bilateralno/tranzitnih dozvola;
- 300 univerzalnih dozvola;
- 30 trajnih dozvola;
- 100 dozvola za naizmjeničan putnički prijevoz.

za češku stranu:

- 5 000 bilateralno/tranzitnih dozvola;
- 300 univerzalnih dozvola;
- 100 dozvola za naizmjeničan putnički prijevoz.

Strane su odredile preliminarni kontigent dozvola za 2019. godinu:

za bosanskohercegovačku stranu:

- 6 000 bilateralno/tranzitnih dozvola;
- 300 univerzalnih dozvola;
- 30 trajnih dozvola;
- 100 dozvola za naizmjeničan putnički prijevoz.

za češku stranu:

- 5 000 bilateralno/tranzitnih dozvola;
- 300 univerzalnih dozvola;
- 100 dozvola za naizmjeničan putnički prijevoz.